

*D

- 486 Die zwêne gesellen niht verdrôz,
si giengen, dâ der brunne vlôz;
si wuoschen wûrze unt ir krût.
ir munt wart selten lachens lût.
5 ieweder sîne hende
twuoc. an einem gebende
truoc Parzival **îwîn loup**
vûrz ors. **ûf** ir ramschoup
giengen si wider zuo *den koln*.
10 man dorfte in niht mêt spîse holn;
dâne was gesoten **noch** gebrâten
unt ir kûchen unberâten.
Parzival mit sinne
durch **die** getriwe minne,
15 **die er gein** sînem wirte truoc,
in dûhte, er hete baz genuoc,
denne dô sîn pflac Gurnemanz
unt dô sô maneger vrouwen **varwe** glanz
ze Munsalvæsche vûr in gienc,
20 dâ er wirtschaft vome Grâle enpfîenc.
der wirt mit triwen wîse
sprach: "neve, disiu spîse
sol dir niht versmâhen.
dûne **vündest** in allen gâhen
25 deheinen wirt, der dir gûnde baz
guoter wirtschaft âne haz."
Parzival sprach: "hêrre,
der gotes gruoz mir verre,
ob mich ie baz gezæme,
30 **swes** ich **von** wirte næme."

D

1 *Initiale D*

7 Parzival] Parcifal D 8 vûrz] fvrs D 9 den koln] den ir chohn D
13 Parzival] Parcifal D 19 Munsalvæsche] Mvnsælrvæsche D 27
Parzival] Parcifal D

*m

- Die zwên gesellen niht verdrôz,
si giengen, dâ der brunne vlôz;
si wuoschen wûrz und ir krût.
ir munt wart selten lachens lût.
5 ietweder sîn hende
†truoc†. an einem gebende
truoc Parcifal **îwîn loup**
vûr daz ros. **vûr** ir ramschoup
giengen si wider zuo den koln.
10 man dorft in niht mêt spîse holn;
dân was gesoten **und** gebrâten.
ir kûchen **was** unberâten.
durch **die** getriuwe minne,
die Parcifal mit sinne
15 **zuo** sînem wirte truoc,
dûht in, er het baz genuoc,
wan dô sîn pflac Gurnemanz
und dô sô maniger vrouwen **varwe** glanz
zuo Munsalvasche vûr in gienc,
20 dô er wirtschaft von dem Grâl enpfîenc.
der wirt mit triuwen wîse
sprach: "neve, disiu spîse
sol dir niht versmâhen.
dû **vindest** in allen gâhen
25 keinen wirt, der dir *günne* baz
guoter wirtschaft âne haz."
Parcifal sprach: "hêrre,
der gotes gruoz mir verre,
ob mich ie baz gezæme,
30 **wes** ich **vom** wirte næme."

m n o

1 *Initiale m · Capitulumzeichen n*

2 dâ] do m n o 3 wuoschen] wuschsen m [wuche]: wuchsen o 5
ietweder] Jettwer m 9 den] dem o 10 dorft] bedorffte n 11 und]
noch n o 12 unberâten] vnbratten m 15 sînem] [e*]: eyne o 16
dûht] Dûcht o 17 Gurnemanz] gurnemancz m gurnemantz n o 18
dô] da o · maniger] manig n · varwe] om. n o 19 Munsalvasche]
[munt sal*]: munt salvasce m muntsalvasce n (o) 21 triuwen
wise] truwen sprach wise m truwe wise o 23 sol dir] Solt ir o 25
günne baz] gomie was m 27 Parcifal] Sparcifal o

*G

Die zwêne gesellen niht verdrôz,
si giengen, dâ der brunne vlôz;
si wuoschen wûrz unde ir krût.
ir munt wart selten lachens lût.
5 ietweder sîne hende
twooc. an einem gebende
truoc Parzival **wînloup**
vûrz ors. **ûf** ir ramschoup
giengen si wider zuo den kolen.
10 man dorft in *niht* mê spîse holen;
dâne was gesoten **noch** gebrâten
unt ir kûchen unberâten.
Parzival mit sinne
durch getriuwe minne,
15 **die er gein** sînem wirte truoc,
in dûhte, er hete *baz* genuoc,
danne dô sîn pflac Gurnomanz,
dô sô maniger vrouwen **varwe** glanz
ze Muntsalvatsche vûr in gienc,
20 dô er wirtschaft vonem Grâle enpfîenc.
der wirt mit triuwen wîse
sprach: "neve, disiu spîse
sol dir niht versmâhen.
dûne **vindest** in allen gâhen
25 deheinen wirt, der dir *gûnde baz*
guoter wirtschaft âne haz."
Parzival sprach: "hërre,
der gotes gruoz mir verre,
op mich *ie* baz gezæme,
30 **swaz** ich **von** wirte næme."

G I O L M Z

1 Initiale G I O L Z 17 Initiale I

1 Die] ÷ie O · niht] *om.* I 3 wûrz] wurzen I (O) · ir] *om.* I O L 4 ir] Sin O L 5 ietweder] Jr y wilchir M 6 twooc] [Tewch]: Tewuch G Truc M · einem] ein I sinem O L (M) 7 Parzival] parzial G parzifal I L M Barcifal O parcifal Z · wînloup] ywin lavp O (L) (M) (Z) 8 vûrz] vur sin I · ûf] *om.* I · ramschoup] reym scoyp M 9 den] ir Z 10 niht mē] nimer G 11 dāne] Da O 12 kûchen] chuchel I 13 Parzival] Parzial G parzifal I (L) (M) Parcifal O Z 14 getriuwe] der truwin M die getrewen Z 16 baz] [heiz]: haz G 17 dô] da M Z · Gurnomanz] Gurnemanz I (O) (M) (Z) Gvrnomantz L 18 dô] vnde do O (L) (Z) Vnde da M · maniger vrouwen varwe] manich frowen O manich frowe L maniger frowen Z 19 ze Muntsalvatsche] zemvntsaluatsche G zemuntsaluasche I Zemvntsalvatsche O Zv montsalvatsche Z · vûr in] vur in in I gein im L 24 vindest] fvndest O (L) (M) (Z) · allen] al I 25 deheine wirt der dir baz gunde G 27 Parzival] Parzial G Parzifal I L M Parcifal O Z 28 der] *om.* O L M · mir] sý mir L 29 mich] mir I L · ie] hie G ie spise I [ee]: ie O 30 swaz] swa I Swes O Wez L (M) · ich] ich sie ie I

*T

Die zwêne gesellen niht verdrôz,
si giengen, dâ der brunne vlôz;
si wuoschen wûrze unde ir krût.
sîn munt wart selten lachens lût.
5 ietweder sîne hende
twooc. an einem gebende
truoc Parcifal **îwîn loup**
vûr daz ors. **ûf** ir ramschoup
giengen si wider zuo den koln.
10 man dorftin niht mê spîse holn;
dâne was gesoten **noch** gebrâten
unde ir kûchen unberâten.
Parcifal **sprach** mit sinne
durch **die** getriuwe minne,
15 **dier gegen** sînem wirte truoc,
in dûhte, er hete baz genuoc,
danne sô sîn pflac Gurnemanz
unde dô manec vrouwe glanz
ze Munsalvasche vûr in gienc,
20 dôr wirtschaft vonne Grâle enpfîenc.
Der wirt mit triuwen wîse
sprach: "neve, disiu spîse
sol dir niht versmâhen.
dûne **vündest** in allen gâhen
25 deheinen wirt, der dir *gûnde baz*
guoter wirtschaft âne haz."
Parcifal sprach: "hërre,
gotes gruoz mir verre,
ob mich *ie* baz gezæme,
30 **swes** ich **von** wirte næme."

T U V W Q R Fr40

1 Initiale T R Fr40 21 Initiale W · Majuskel T

1 Die Verse 453.1-502.30 fehlen U · Versfolge 486.2-1 W 2 dâ] do V W Q 3 wûrze] die wûrtzel W wurzen R · ir krût] daz kraut W crawt Q jsaut Fr40 4 sîn] [*]: Jr V · selten] seldes Q · lachens] lachen Q 5 sîne] seiner Fr40 · hende] hende twg V 6 twooc] *om.* V trug Fr40 · gebende] gebvnde trvg V 7 truoc] *om.* V · Parcifal] Parzifal V (Fr40) partzifal W Q parczifal R · îwîn] ywidins V nûwe R 8 ir] ein W · ramschoup] rein schaub W 10 dorftin] bedorfft in R 11 dāne was] [D*]: Da enwaz V Do enwas W (Q) (R) [do]: da was Fr40 · gesoten] gosoten Fr40 · noch] [*]: noch V vnd R 12 kûchen] keûschen W 13 Parcifal] Parzifal V (Fr40) Partzifal W Q Parcifal R · sprach] *om.* W Q R Fr40 14 die] *om.* W Q R Fr40 17 sô] do W Q R Fr40 · Gurnemanz] gurnemantz W gurnomantz Q garnumancz R gvrnamanz Fr40 18 manec] so manig V W (Q) (R) Fr40 · vrouwe] wrowen V 19 Munsalvasche] Mvnsalvasche T mvntsalvasche V montsaluatschs W muntsaluasche Q Munsaluasche R (Fr40) 20 dôr] da er Fr40 · vonne] vorme V (Fr40) 21 triuwen] treuwe W 22 disiu] dise T R die Q (Fr40) 23 sol dir] Sol dich V Soltu von mir R 24 dûne vündest] Du enuindest W Won du findest R · allen] alle W · gâhen] gaheen Q 25 deheinen] Dehin R 27 Parcifal] Parzifal V (Fr40) Partzifal W Q Parczifal R 28 verre] were R 30 swes] Wes W R Was Q · von] vom Q